



TERMAT E REFERENCËS – FACILITUES/E PËR AKTIVITETET PËR HARTIMIN E STRATEGJISË QEVERITARE PËR BASHKËPUNIM ME SHOQËRINË CIVILE

Objektiva e përgjithshme

Platforma CiviKos në kuadër të Programit për Angazhim Qytetar është duke kërkuar një **Facilitues/e për aktivitetet për hartimin e Strategjisë Qeveritare për Bashkëpunim me Shoqërinë Civile.**

Rreth CiviKos

Platforma Civikos është bashkim vullnetar i organizatave të shoqërisë civile në Kosovë, e themeluar për të krijuar dhe promovuar një mjedis të favorshëm për bashkëpunim të sektorit formal të shoqërisë civile dhe autoriteteve publike në Kosovë.

Me një anëtarësi prej 305 organizatash, e cila është vazhdimisht në rritje, Platforma CiviKos është e përkushtuar që të thellojë bashkëpunimin ndërmjet organizatave anëtare, si dhe autoriteteve publike dhe hisedarëve tjerë relevantë në zhvillimin e shoqërisë civile në Kosovë. Bazuar në misionin e saj për të mundësuar një mjedis të përshtatshëm të shoqërisë civile në Kosovë, CiviKos do të shfrytëzojë ekspertizën dhe strukturën tashmë solide të formalizuar me institucionet publike për të krijuar një mjedis të qëndrueshëm për OSHC-të.

Rreth Programit për Angazhim Qytetar

Programi për Angazhim Qytetar është një përkushtim 5-vjeçar për të kultivuar një kulturë të aktivizmit që e bën jetën nëpër lagjet dhe qytetet tona më të mirë, më të dashur dhe më kuptimplotë. Kjo nismë e imagjionon një të ardhme të ndërtuar në themelet e një shoqërie civile, e cila përmes aktivizmit të guximshëm, përfaqësimit nga poshtë-lart, bashkëpunimit të gjithanshëm, veprimit profesional, transparencës në të gjitha hallkat e jetës publike dhe institucionale dhe përdorimit ndryshe të burimeve sjell ndryshim rrënjësor në komunitetet tona. Po kështu, kjo nismë e synon një ndjesi të rigjetur të solidaritetit ndaj njëri-tjetrit.

Programi për Angazhim Qytetar zbatohet nga *Fondacioni Kosovar për Shoqëri Civile (KCSF)* në partneritet me *Agjencinë e Shteteve të Bashkuara për Zhvillim Ndërkombëtar (USAID)* në Kosovë. *Platforma CiviKos* është partnere e KCSF në zbatimin e këtij programi.

Sfondi dhe fushëveprimi

Platforma CiviKos e lehtëson procesin e bashkëpunimit ndërmjet shoqërisë civile dhe Qeverisë dhe bashkëkryeson Këshillin për Bashkëpunim Shoqëri Civile - Qeveri. Në muajin prill 2024, me vendim të Sekretarit të Përgjithshëm të Zyrës së Kryeministrit të Republikës së Kosovës është



emëruar Ekipi i Punës për Hartimin e Strategjisë për Bashkëpunimin Qeveri-Shoqëri Civile. Platforma CiviKos do të mbështesë procesin e hartimit të Strategjisë, nëpërmjet organizimit të takimeve/punëtorive dhe mbështetjes teknike të nevojshme për këtë proces.

Me qëllim të ofrimit të kësaj mbështetjeje, Platforma CiviKos në kuadër të Programit për Angazhim Qytetar është duke kërkuar një *Facilitues/le për aktivitetet për hartimin e Strategjisë Qeveritare për Bashkëpunim me Shoqërinë Civile*.

Qëllimi dhe objektivat

Qëllimi i këtij angazhimi është që të ofrohet mbështetje teknike në procesin e hartimit të Strategjisë, bazuar në aktivitetet e organizuara sipas planit të punës.

Objektivat specifike:

- Pjesëmarrja e facilituesit/es në takimet e zhvilluara për hartimin e Strategjisë.
- Marrja e shënimeve në takime.
- Përgatitja e përmbledhjeve të diskutimeve në takime, me fokus të veçantë në rekomandimet specifike që dalin nga takimet.

Angazhimi i facilituesit/es do të përfshijë gjithsej 12 ditë, përgjatë periudhës qershor-nëntor 2024.

Rezultatet e pritura

Facilituesi/ja do të marrë pjesë në takimet e organizuara për hartimin e Strategjisë Qeveritare për Bashkëpunim me Shoqërinë Civile. Pas takimeve, facilituesi/ja do të përgatisë përmbledhje të diskutimeve nga këto takime. Përmbledhjet duhet të jenë në formë të raporteve, të cilat duhet të shkruhen në gjuhën shqipe dhe të reflektojnë në përpikëri diskutimet e zhvilluara gjatë takimeve.

Rezultatet/të arriturat kryesore do të përfshijnë:

- Mbajtja e shënimeve gjatë takimeve.
- Përgatitja e përmbledhjeve të takimeve.
- Listimi i rekomandimeve që dalin nga takimet.

Kriteret

Facilituesi/kompania duhet të ketë:

- Përvojë të gjerë në kryerjen e detyrave të ngjashme.
- Njohuri dhe përvojë të dëshmuar në sektorin e shoqërisë civile, dhe qeverisë.
- Përvoja e punës me Këshillin për Bashkëpunim Shoqëri Civile – Qeveri konsiderohet përparësi.
- Profesionalizëm i lartë i dëshmuar dhe aftësi për të punuar në mënyrë të pavarur dhe në situata me presion të lartë, nën afate të ngushta kohore.
- Aftësi të shkëlqyera në shkrim të raporteve.
- Aftësi komunikimi dhe bashkëpunimi.



- Njohuri të shkëlqyera të gjuhës angleze. Njohja e gjuhës serbe është përparësi.

Oferta dhe buxheti

Të interesuarit mund të shprehin interesin e tyre për këtë thirrje duke dërguar CV-në e tyre, dhe një përmbledhje të shkurtër të facilituesit/kompanisë në detyra të ngjashme. Në ofertë duhet të përfshihen të gjitha kostot e propozuara në Euro. Dokumentet e kërkuara duhet të dërgohen në e-mailin: info@civikos.net, jo më vonë se 7 qershor 2024.

Shënim: Anëtarët e Këshillit për Bashkëpunim Shoqëri Civile – Qeveri nuk kanë të drejtë aplikimi në këtë thirrje.